



Inatsit tunngaviusussaq pillugu Isumalioqatigiissitat
Forfatningskommissionen | The Constitutional Commission

Naalakkersuisaatsit Pillugit Suleqatigiissitap Ilisimatusarfimmi Saqqummiineranut Naliliineq

ISUMALIOQATIGIISSITAT ALLATTOQARFIA

SEPTEMBER, 2021

“Akerliusimagaluaqaanga (Inatsit tunngaviusussaq pillugu), kisianni saqqummereernerup kingorna isumaqataalerpunga Kalaallit Nunaat namminerisamik tunngaviusumik inatsiseqartariartoq, pissutigalugu pisariaqartsikkatigu namminerisamik inatsiseqarnissaq nunatsinnut tulluurtumik” - Ilisimatusarfimmi ilinniartoq

Tunuliaqut:

Inatsit Tunngaviususaaq pillugu Isumalioqatigiissitat pingasunik suleqatigiissitani suliaat agguataarneqarnikuupput:

- Naalackersuisaatsit pillugit suleqatigiissitat
- Pisinnaatitaafiit Pisussaaffiillu pillugit suleqatigiissitat
- Nunanut allanut- sillimaniarnerlu pillugit apeqquutit pillugit suleqatigiissitat

Septembarip ulluisa 10-ni 2021, Naalackersuisaatsit pillugit suleqatigiissitani siulittaasoq, Kuupik V. Kleist, Isumalioqatigiissitalu allattoqarfia Nuuk-mi, Ilisimatusarfimmi saqqummiivoq oqallitsillunilu suleqatigiissitap suliai tunuliaqutigalugit. Allattoqarfimmi pisortaq, Karen Kiær Jakobsen peqataanermini qanimut Isumalioqatigiissitap aqqissuusaanera aammattaaq saqqummiuppaa.

Ilisimatusarfimmi ilinniartunut saqqummiinnermi siunertaa ilaatigut tassaavoq Naalackersuisaatsit assigiinngitsut saqqummiunnerini ilinniartut isumai Inatsimmik Tunngaviusussamik ilusilersuinnermi tusassallugit. Ataani atuarneqarsinnaapput ilinniartunut apeqquteqaataasimasut, qanorlu akisimanersut itisiliinermi.

Atuarluarnissaannik kissaassilluta,
Allattoqarfik

Inatsit tunngaviususaaq pillugu Isumalioqatigiissitat suleqatigiissitaani Naalackersuisaatsit pillugit, Isumalioqatigiissitat allattoqarfik suleqatigalugu, Ilisimatusarfimmi oqallinnermik uummaarissumik imaqarluartumillu aqqissuusisimapput sapaatip akunnera siuliani.

Aqqissuusap siunertaa marloqiusaavoq:


1) Ilisimatusarfimmi ilinniartunut Inatsit Tunngaviususaaq pillugu Isumalioqatigiissitat tamakkiisumik suliai pillugit qaammarsaaneq

2) Ilinniartut Naalakkersuisaatsit assigiinngitsut pillugit qaammarsaavigineqarnissaat, taamatullu ilinniartut isumai tusassallugit Naalakkerusisaatsini sorleq Inatsit Tunngaviusussap missiliuutissaani naleqqunnerussanersoq.

Aaqqissuusami ilinniartut 50 miss. peqataapput. Isumalioqatigiissitap suliai pillugit saqqummiisoqareermat oqallittoqareermallu Naalakkerusisaatsini assigiinngitsuni ajunngequtaasinnaasut ajoqutaasinnaasullu eqqartorneqareermata, Iisimatusarfimmi ilinniartut isummaminnik tunniussipput:

- Ilinniartut 52%-ii isumaqarput Kalaallit Nunaat Inatsimmi Tunngaviusussami Naalakkerusisaatsini Inatsisartunik Naalakkersuisoqarneq tulluarnerusoq.
- Ilinniartut 44 %-ii isumaqarput Kalaallit Nunaat Inatsimmi Tunngaviusussami Naalakkersuisaatsini Naalagaaffeqatigiit Naligiit (Free-Association) tulluarnerusoq.
- Ilinniartut 4 %-ii isumaqarput Kalaallit Nunaat Inatsimmik Tunngaviusussami Naalakkersuisaatsini Præsidenteqarnermik Naalakkersuisoqarneq tulluarnerusoq.

Figur 1: Apeqqu: Naalakkersuisaatsini sorleq Nunatsinnut tulluarteruik?



Naalakkersuisaatsini Inatsisartunik Naalakkersuisoqarnermi akissutinik itisiliinerit:

”Inatsisartoqarneq maannakkut atuuttoq ajunngimmata. Tulluusaanassaaq namminerisamik inatsiseqalerutta”

-Ilisimatusarfimmi ilinniarteq

”Inatsisartoqarneq demokratimut qaninnerummat Naalackersuisaatsinut allanut sanilliullugit”

-Ilisimatusarfimmi ilinniarteq

”Uanga ullumikkut naalakkerusisaatsini atuutoq iluareqaara. Taamaaginnaqqunaqaaq siunissami namminiilivissagutta”

-Ilisimatusarfimmi ilinniarteq

Naalackersuisaatsini Naalagaaffiit Naligiittut Free-Association akissutininik itisiliinerit:

”Periarfissagissaqarneruniassaaq Danmarki Kalaallit Nunaallu suleqatigiikkunik”

- Ilisimatusarfimmi ilinniarteq

“Kalaallit Nunaat suli tapersernejarnissaminik pisariaqartitsivoq oqartussaaffinni angerlanneqartussani namminersulivissappat, soorlu ukunani: peqqinneq, aningaasaqarneq illersugaanerlu”

- Ilisimatusarfimmi ilinniarteq

“Ikiortinnissaq pisariaqartipparput nunanit allanit naammaginannngitsumik naammassisinnaannngisatsinni”


- Ilisimatusarfimmi ilinniarteq

Naalackersuisaatsini Præsenteqarnermut akissutininik itisiliinerit:

“Naalagaaffinnut allanut suleqateqarnissamut qaninnerussammat”

- Ilisimatusarfimmi ilinniarteq

Figur 2: Apeqqu: Kalaallit Nunarput taperserpiuk Inatsimmik Tunngavissaqarnissaa?



- Ilisimatusarfimmi Ilinniartut 96 % isumaqarput Kalaallit Nunaat namminerisamik tunngaviusumik inatsiseqartariaqartoq
- Ilisimatusarfimmi ilinniartut 4 % isumaqarput Kalaallit Nunaat namminerisamik tunngaviusumik inatsiseqartariaqanngitsoq

Akissutinik itisiliineq sooq Kalaallit Nunaat Inatsimmik Tunngaviusumik inatsiseqassanersoq:

”Isumaqarama inuiaqatigiit allamut naalagaaffimmut pituttorsimanata nammineq peqalernissamut piffissanngortoq, pisuussutit uumassusillit uumaatsullu nammineq iluaqutigilernerussagatsigit Naalagaaffinnullu allanut niueqateqalernissamut ammaassissammat. Massakkut naalagaaffitta atornerluppallaarpatigut”

- Ilisimatusarfimmi ilinniartooq


” Kalaallit Nunaat pillugu. Isumaqarama Kalaallit nammineq tunngavissaqarlutik aaliangersinnaallutik, isummersinnaallutik inuussasut.”

- Ilisimatusarfimmi ilinniartooq


“Akerliusimagaluaqaanga (Inatsit tunngaviusussaqa pillugu), kisianni saqqummereernerup kingorna isumaqataalerpunga Kalaallit Nunaat namminerisamik tunngaviusumik inatsiseqartariartoq, pissutigalugu pisariaqartsikkatigu namminerisamik inatsiseqarnissaq nunatsinnut tulluurtumik”

- Ilisimatusarfimmi ilinniartuq

Figur 3: Apeqqu: Paasissutissanik allanik amigaateqarpit Isumalioqatigiissitanut tunngatillugu?



Figur 4: Apeqqu: Ullormut Isumalioqatigiissitat saqqummiinera qanoq isumaqarfigaajuk?



Isumalioqatigiissitap Ilisimatusarfimmi ilinniartunut saqqummiinera marlunnik siunertaqarsimavoq tassaallutillu; Inatsimmik Tunngaviusussamik suliaqarnermi ilinniartunut qaammarsaaneq, aammalu ilinniartunit paasissutissanik katersiineq Inatsimmik Tunngaviusumik suliniuteqarnermut

tunngasunik. Isumalioqatigiissitap pingaartippaa innutaasunik peqataatitsinissaq Inatsimmik Tunngaviusussamik suliniuteqarnermi, innuttaasut piginneqataasutut misiginiassammata.

Ilisimatusarfimmi saqqummiinermi persiaaseq iluatsilluarpoq, siunissamilu aamma pisussani aggersuni taamak aqqissorneqartarumaarput allattoqarfik qanimut suleqatigalugu. Isumalioqatigiissitat taamaammat tullissaanimut qilanaarput.

Paasissutissat allat Isumalioqatigiissitat Facebook-ni malinnaavigineqarsinnaapput uani:

[Tunngavik - Forfatningskommissionen | Facebook](#)

Imaluunniit nittartagarput aqqutigalugu:

[Forfatningskommissionen \(tunngavik.gl\)](#)

Inussiarnersumik Inuulluaqqusillunga

Ineqi Skourup Kielsen

Siulittaasoq

